



Broj: JN06-16-4-19-5/25
Datum: 23.04.2025. godine

Na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), a na Preporuku Komisije za javne nabavke, br. JN06-16-4-19-9/25 od 17.04.2025. godine, u postupku javne nabavke usluga čišćenja fekalnih instalacija, kišnih instalacija i taložnih separatora škroba i ulja za potrebe Zavoda za izvršenje krivičnih sankcija, pritvora i drugih mjera BiH, upravnik d o n o s i

O D L U K U
O IZBORU NAJPOVOLJNIJEG PONUĐAČA ZA NABAVKU USLUGA ČIŠĆENJA
FEKALNIH INSTALACIJA, KIŠNIH INSTALACIJA I TALOŽNIH SEPARATORA
ŠKROBA I ULJA

Član 1.

Prihvata se Preporuka Komisije za javne nabavke, br. JN06-16-4-19-9/25 od 17.04.2025. godine i Ugovor za nabavku usluga čišćenja fekalnih instalacija, kišnih instalacija i taložnih separatora škroba i ulja, dodjeljuje se odabranom ponuđaču DELTA - PETROL d.o.o. Kakanj, za ponudenu cijenu od 69.828,00 KM bez PDV-a, kao najbolje ocijenjenom ponuđaču.

Član 2.

Prijedlog Ugovora o nabavci dostavit će se na potpis odabranom ponuđaču po isteku roka od 15 (deset) dana, računajući od dana kada je ponuđač obavješten o izboru najpovoljnije ponude.

Član 3.

Za izvršenje ove Odluke zadužuju se i ovlašćuju Služba za opšte, pravne i materijalno-finansijske poslove.

Član 4.

Ova Odluka uputiće se ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

O B R A Z L O Ž E N J E

Postupak javne nabavke pokrenut je Odlukom o pokretanju postupka javne nabavke, br. JN06-16-4-19-2/25 od 26.03.2025. godine.

Javna nabavka je provedena putem Otvorenog postupka.

Procijenjena vrijednost javne nabavke bez PDV-a iznosi 70.000,00 KM.

Tenderska dokumentacija, br. JN06-16-4-19-3/25 i Obavještenje o nabavci, br. 24650-1-2-30-3-62/25 su objavljeni 27.03.2025. godine na Portalu javnih nabavki.

Komisija za javne nabavke imenovana je Odlukom o imenovanju Komisije za javne nabavke, br. 06-16-4-1372-1/25 od dana 10.02.2025. godine.

Komisija za javne nabavke je dana 17.04.2025. godine, dostavila Zapisnik o pregledu i ocjeni ponuda, br. JN06-16-4-19-8/25 i Preporuku o izboru najpovoljnijeg ponuđača, br. JN06-16-4-19-9/25 u predmetnom postupku.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjele ponude, o čemu je sačinila odgovarajuće Zapisnike, u kojima je utvrđeno sljedeće:

- da je ukupan broj pristiglih ponuda 1 (jedna),
- da je blagovremeno zaprimljena 1 (jedna) ponuda,
- da nije bilo neblagovremeno zaprimljenih ponuda,
- da je blagovremenu ponudu dostavio ponuđač DELTA-PETROL d.o.o. Kakanj,
- da je ponuda ponuđača DELTA-PETROL d.o.o. Kakanj prihvatljiva i ispunjavaja sve uslove zadate tenderskom dokumentacijom.

Na osnovu člana 3. stav (3) Pravilnika o uslovima i načinu korištenja e-Aukcije (Službeni glasnik BiH, broj: 80/23), u kojem je navedeno da: „*U slučaju prijema jedna prihvatljive ponude e-Aukcija se ne može zakazati, nego se postupak okončava u skladu sa članom 69. Zakona*“, Komisija nije zakazala e-Aukciju.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, shodno kriterijima iz Tenderske dokumentacije.

U postupku ocjene provedenog postupka, upravnik Zavoda za izvršenje krivičnih sankcija, pritvora i drugih mjera Bosne i Hercegovine, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača, izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniža cijena“.

Iz navedenih razloga, primjenom člana 64. stava (1) tačka (b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU

Na osnovu člana 101. stav (1) tačka d) Zakona o javnim nabavkama („Službeni glasnik BiH“, broj: 39/14, 59/22 i 50/24), protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke, lično ili preporučenom poštom.

Način izjavljivanja žalbe i sadržaj žalbe su definisani članovima 99. i 105. Zakona o javnim nabavkama („Službeni list BiH“, broj: 39/14, 59/22 i 50/24).

Dostaviti:

1. DELTA-PETROL d.o.o. Kakanj,
2. U spis.

